

“ТАСДИҚЛАЙМАН”

**Ўзбекистон Республикаси Иқтисодий
тараққиёт ва камбағалликни қисқартириш
вазирининг биринчи ўринбосари**

“ИМЗОЛАНГАН” С.М.Холхўжаев

2021 йил “20” январь

**Ўзбекистон Республикаси Бош вазирининг 2021 йил 14 январдаги
21/3-4-сонли топшириғига асосан тасдиқланган Ишчи гуруҳи
йиғилишининг**

1 - сонли БАЁНИ

Раислик қилувчи: С.М.Холхўжаев - Иқтисодий тараққиёт ва камбағалликни қисқартириш вазирининг биринчи ўринбосари - *Ишчи гуруҳ раҳбари*

Қатнашганлар: Ўзбекистон Республикаси Олий Мажлиси Қонунчилик палатаси депутатлари К.Эрназаров, А.Назиркулов, Олий суд раиси ўринбосари Б.Исаков, вазирлик ва идоралар ҳамда тижорат банклари раҳбарлари (рўйхат бўйича) ва бошқалар

КУН ТАРТИБИ:

Ўзбекистон Республикаси Президентининг “Валюта сиёсатини либераллаштириш бўйича биринчи навбатдаги чора-тадбирлар тўғрисида” 2017 йил 2 сентябрдаги ПФ-5177-сон Фармони қабул қилинишига қадар тадбиркорлар томонидан чет эл валютасида олинган банк кредитларини қайтаришда юзага келган ҳолатларни ўрганиш

(Холхўжаев, Файзуллаев, Мардиев, Нарзикулов, Эрназаров, Насритдинходжаев, Исаков, Туляганов, Ғофуров, Ахмедов, Холхўжаев)

Ўзбекистон Республикаси Бош вазирининг 2021 йил 14 январдаги 21/3-4-сонли топшириғига 2-иловага мувофиқ тасдиқланган ишчи гуруҳи томонидан Ўзбекистон Республикаси Олий Мажлиси Қонунчилик палатаси Спикерининг мурожаатида қайд этилган Ўзбекистон Республикаси Президентининг “Валюта сиёсатини либераллаштириш бўйича биринчи

навбатдаги чора-тадбирлар тўғрисида” 2017 йил 2 сентябрдаги ПФ-5177-сон Фармони қабул қилинишига қадар тадбиркорлар томонидан чет эл валютасида олинган банк кредитларини қайтаришда юзага келган ҳолатлар юзасидан таҳлилий маълумотлар ўрганилди.

Йиғилиш давомида Ўзбекистон Республикаси Молия вазирининг биринчи ўринбосари, Олий суд раисининг ўринбосари, Ўзбекистон Республикаси Олий Мажлиси Қонунчилик палатаси аъзолари, Ўзбекистон Республикаси Марказий банки департамент директорлари, тижорат банклари раҳбарлари ва департамент директорларининг ушбу масала бўйича олиб борилган ишлар юзасидан ҳисоботлари ва бир қатор таклифлари тингланди.

Ўзбекистон Республикаси Бош вазири томонидан 2021 йил 5 февралга қадар Ўзбекистон Республикаси Олий Мажлиси Қонунчилик палатаси Спикерининг мурожаатида қайд этилган масалаларни ҳар томонлама чуқур ўрганиб чиқиб, Ўзбекистон Республикаси Олий Мажлиси Қонунчилик палатаси ҳамда Вазирлар Маҳкамасига асосланган хулоса киритиш топшириғи берилганлиги муносабати билан йиғилиш **қарор қилади:**

1. Йиғилишда кўтарилган масалаларни таҳлил қилган ҳолда, Олий Мажлиси Қонунчилик палатаси Спикерининг мурожаатида қайд этилган тадбиркорлик субъектларини жойига чиқиб ўрганиш мақсадида ҳудудларга бириктирилган Кичик ишчи гуруҳлар таркиби **1-иловага** мувофиқ тасдиқлансин.

1-иловага мувофиқ тасдиқланган Ишчи гуруҳ **жорий йил 21-26 январь кунлари** ҳудудларга юборилсин. Ишчи гуруҳ Ўзбекистон Республикаси Олий Мажлиси Қонунчилик палатаси Спикерининг мурожаатида қайд этилган ҳар бир тадбиркорлик субъектлари кесимида тадбиркорлар томонидан кўтарилган масалалар бўйича, лойиҳа паспорти, лойиҳанинг техник иқтисодий асослари, банкдаги пул маблағлари айланмаси, экспорт-импорт айланмаси, кредит шартномаси билан боғлиқ тегишли ҳужжатлар асосида ўрганиш олиб борсин ва унинг натижаси бўйича таҳлилий маълумотларни шакллантирсин ҳамда жорий йилнинг **27 январига** қадар **Йиғма ишчи гуруҳга** ўрганишлар натижалари бўйича ҳисоботларни тақдим этсин.

2. Ҳудудларга бириктирилган Кичик ишчи гуруҳлар томонидан ўрганилган маълумотлар ва ўрганиш натижаларини умумлаштириш мақсадида Йиғма ишчи гуруҳ таркиби **2-иловага** мувофиқ тасдиқлансин.

3. **Марказий банк (Абубакиров, Файзуллаев) тижорат банклари билан биргаликда** Ўзбекистон Республикаси Президентининг 2017 йил 2 сентябрдаги ПФ-5177-сонли Фармони қабул қилингунига қадар хорижий валютада берилган кредитларнинг тадбиркорлик субъектлари кесимидаги

қолдиқлари бўйича ҳамда тадбиркорлик субъектларининг либерилезация таъсири ҳисобига кредитларни сўндирилиши бўйича аниқ кўрсаткичлар асосида ҳар томонлама ўрганилган маълумотларни таҳлилий жадваллар ва ҳисоботлар кўринишида **жорий йил 27 январга қадар** Йиғма ишчи гуруҳига тақдим этсин.

5. Ўрганиш натижаларини муҳокама қилиш ҳамда якуний хулосага келиш мақсадида Ўзбекистон Республикаси Бош вазири томонидан тасдиқланган Ишчи гуруҳнинг кейинги йиғилиши **жорий йил 1 феврал кунига** белгилансин.

6. Ушбу баёнда белгиланган топшириқларнинг бажарилишини назорат қилишни ўз зиммамда қолдираман.